

Un proatjun uut de joaren zeuventug



Goejendag, meensen, disse keer willen wulie ut us hen over de woeningnood in ons darp. Ut schient der niet zo best uut te zien veur de meensen die op un huus zitten te wachten van de Gemeente. Der bin in Armeloo haost geen kruumels grond meer te kriegen um un huus op te bouwen.

door Keesjan van Loo
(werkgroep Dialect en Folklore)

Noen zat ik veurige week bie de barbier te wachten en dan kiek je wel us zo effen in de kranten die daar liggen veur de meensen die nog niet an de beurt ben, noen zag ik daar un boekjun liggen van de woeningbouwwvureening "Volkshuusvesting".

Machtig meensen wat staon daar een hoop belangwekkende zaaken in, "Volkshuusvesting" is al un ouwe vureening van meer dan vuuftig jaor. De opzet indertied was um huuzen tu bouwen veur de arbeijers enzo, tegenwoordig hen zu ut over sociale woeningbouw, mar ut kumt allemaal op ut zelfde neer, volgens mien. Ut geet um meensen die alle week un honderd of twee an moeder de vrouw aof kunnen geven. In dat boekjun kuje leezen hoeveel huuzen die vureening al 'ebouwd het, deur de loop der jaoren. Noen meensen, mien petjun aof veur de leejun van die vureening, wat die 'epresteerd hen.

End veurig jaor han zu bie volkshuusvesting in totaol zo'n slordege dartienhonderd huuzen 'ebouwd. Van die dartienhonderd huuzen bin der zo'n goeje tweehonderd speciaal 'ebouwd veur ouwe meensen.

Iets meer as de helft van alle huuzen hen al centrale vurwarming. Der zou van die huuzen nog veul meer tu zeegen wee'n, mer in dat boekjen steet oek op 'eschreven wat de huuren bin, Dat was zo belangwekkend da'k mer un paor meensen veur het laoten gaon, um ut effen tu leezen op mien gemak.

Volkshuusvesteging, en dat moeje goed begriepen is ter op 'ericht um huuzen tu bouwen veur meensen dee niet zo veul geld vurdienen, en dat het die vureeneging oek 'edaon.

Kiek mer us mee, de huuzen an de Putterweg deejun ruum f 82,00 an huur, die ouwe huuzen an de Hamburgerweg en de Ouwe Telgerweg, zo tussen de zestug en de zeuventug gulden in de maond.

De huuzen an de Telgterweg un goeje zeuventug, an de Veldweg en an de

Smidsweg bin de huren ietsjes meer as honderd guldens, oek de huuzen an de Gelreweg, de Tijmlaon, de Schoolweg, en de Beemdweg bin oek un goeje honderd guldens in de maond. An de Veldhuuzenweg enzo betaolen de meensen zowat honderdvuufug in de maond.

Ziezo meensen, noen hen julie weer us iets um over tu praoten, want noen hen wulie alweer effentjus 2018, dat warren nog us tiejen, zo'n veertig jaor 'eleejun.

Paulus Elektro
Mariënhoef 9 • 3851 ST • ERMELO
Tel: 0341 - 554 554 • Fax: 0341 - 560 553
info@paulus-elektro.nl
www.paulus-elektro.nl

PAULUS
ELEKTRO
VOOR EEN STERK STAALTJE TECHNIEK



Elektrotechniek


Domotica

Brandmelding

Inbraakbeveiliging

Communicatie

Inspectie



VOOR EEN STERK STAALTJE TECHNIEK